

Zeitschrift: Annalas da la Societad Retorumantscha
Herausgeber: Societad Retorumantscha
Band: 117 (2004)

Rubrik: Linguatg
Autor: [s.n.]

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Linguatg

100 onns Institut dal DRG

Retrospectiva e perspectivas

Carli Tomaschett



Igl Institut dal DRG a Cuera

Il December 2004 cumplenescha igl *Institut dal Dicziunari Rumantsch Grischun* (DRG) siu 100avel anniversari. 100 onns – franc in tierim, nua ch'igl ei indicau da dar in sguard el vargau ed in'egliada el futur.

I. In sguard el vargau

1. Fundaziun ed emprems pass

In datum exact da fundaziun dat ei buc. Tierm d'entschatta pil giubileum da *100 onns Institut dal DRG* ei igl 1 da december 1904, il datum ch'igl emprem redactur dil DRG, Florian Melcher da S-chanf, ha entschiet sia laver da rimnar e documentar ils plaids e las locuziuns dils differents dialects romontschs plidai el cantun Grischun.

1.1 Il DRG – ina mira formulada igl onn 1885

Ina dallas finamiras a caschun dalla fundaziun definitiva dalla Societad Retorumantscha igl onn 1885 (suenter las fundaziuns dils onns 1863 e 1870 ha la Societad Retorumantscha mintgamai fatg naufragi entgins onns pli tard) ei stada da publicar in dicziunari che cuntegni e declari tut ils plaids dils differents dialects romontschs plidai el cantun Grischun. Tochen igl onn 1899 ei denton buca succediu la massa en caussa.

1.2 Robert de Planta – preparau la via



Robert de Planta,
igl iniziant e fundatur dil Dicziunari Rumantsch Grischun

Ils emprems pass concrets viers la realisaziun dall'ovra prida en mira igl onn 1885 dalla Societad Retorumantscha ein vegni fatgs digl indogermandist Robert de Planta. Igl onn 1899 ha el rimnau plaids e locuziuns en plirs vitgs romontschs dil cantun Grischun. Plinavon ha el concepiu in questiunari da rodund 10'000 damondas e schau emplenir ora quel ils onns 1900–1904 da correspondents en 16 differents loghens romontschs dil cantun Grischun. Il questiunari secumpona da gliestas da plaids tudestgs tenor differentes temas. Ils correspondents han mintgamai scret dasperas il plaid romontsch per lur vitg.

Per eruir la pronunzia dils singuls plaids els differents vitgs romontschs e per saver definir la scartira fonetica pil dicziunari prius en mira ha Robert de Planta era concepiu in questiunari fonetic cun rodund 1000 expressiuns. La pronunzia dils rodund 1000 plaids dil questiunari fonetic ei lu veginida dumandada e nudada ils onns 1903–1905 en 89 vitgs romontschs.

Robert de Planta ha viviu ils onns 1864–1937. El era fegl d'ina nobla e beinstonta famiglia engiadinesa. Naschius ei Robert de Planta ad Alexandria ell'Egipta, nua che siu bab veva fundau cun in parenz ina firma d'export da mangola. Robert de Planta ha aunc entschiet la scola ad Alexandria. Muort la scolaziun dils affons ei la famiglia de Planta denton turnada anavos en Svizra e secasada a Farschno en Tumliasca. Robert de Planta ha acquistau gia baul in excellent num el mund dalla scienzia cun sia dissertaziun titulada «Grammatik der oskisch-umbrischen Dialekte».

1.3 1904 – *Dall'idea alla realisaziun*

Igl onn 1904 ei il temps staus madirs per metter sin via il project *Dicziunari Rumantsch Grischun*. Il cantun Grischun e la confederaziun han concediu alla Societad Retorumantscha contribuziuns annualas per quei intent. Las empremas igl onn 1904 ein stadas 1500.– frs davart dil cantun Grischun e 2500.– frs davart dalla confederaziun. Robert de Planta, che veva fatg las lavurs preparatorias sin agen quen, ha surdau alla Societad Retorumantscha siu concept per la realisaziun d'in idioticon romontsch. Plinavon ha el regalau a quella siu material dialectal rimnau ed in bi diember cudischs. La suprastonza dalla Societad Retorumantscha ha elegiu il november 1904 Florian Melcher da S-chanf sco emprem redactur dil DRG. El ha entschiet sia laver igl 1 da december 1904 cun endrizzar siu biro a Cuera, igl emprem pass sin via agl *Institut dal Dicziunari Rumantsch Grischun*.

Sco igl iniziant e fundatur dil project e dall'ovra scientifica *Dicziunari Rumantsch Grischun* ston ins pia considerar igl indogermanist Robert de Planta. Il tetel dall'ovra, *Dicziunari Rumantsch Grischun*, elegius definitivamein igl onn 1932, ei da capir sco «dicziunari che cumpeglia tut ils dialects ed idioms romontschs plidai el cantun Grischun».

Sauvignon

70

Kopfkissen	plumatsch da tgeca
Flaum, Daunen (in d.Kissen)	flom
Deckbett- u.Kissenüberzug	vesch.tarbet, vesch plimatosc
Unterkissen am Kopfende	plimatosch
Bettumhang	uman digl letz
Betthimmel	tochiel digl letz
Himmelbett	letz cum tochiel
Kinderbettchen	letz diunfantifigniaj
schlechtes Lager	schlet letz (Hölzern)
Holzpritsche	trona (Schledes Lager auch pericorches etc.)
Nachtmitze	trona, castanga
Wärmflasche	tgapitscha da notz
Nachttisch	stgrodor letz
Nachttopf (hölz., irdener)	nachttisch, misadawu
Waschtisch	vaschel da notz
Waschbecken	cumada de salavar
Kammtasche	cupa, bitschiada de salavar
Ess- u.Trinkgeschirr	petganera
Suppenschüssel	vaschela da magare da bevar
sonstige grössere Schüsseln u.Platten	supsa da sopa
Teller (hölz. u.irdene)	cupas
Tasse, Kaffeeschüssel (1-,2 henkelig)	plats
Henkel	tossa, cupegn, magiola
Untertasse	mametscha
Krug (mehrere Arten?)	plat sot
Krüglein	clug
Weinkrug, Wasserkrug	erug bigl vegn, erug delava
Flasche	flascha, cloca
Teile der Flasche: Mündung, Hals, Bauch, Boden &c	parts della cloca; schnabel culer, vornter, fous etc.

Ina pagina ord il questiunari da Planta

Ina pagina ord il questiunari fonetic da Planta

1.4 Florian Melcher e Chasper Pult – emprems redacturs

Florian Melcher ei staus fideivels all'ovra dil DRG tochen sia mort prematura igl onn 1913. El ha finiu il cuors da quest mund ella vegliadetgna da mo 38 onns. Sco siu successur ha la Societad Retoruman-tscha elegiu Chasper Pult da Sent, professer alla Scol'aulta mercantila a Sogn Gagl. Era el ei staus fideivels all'ovra dil DRG tochen sia mort igl onn 1939. Florian Melcher e Chasper Pult han luvrau mintgin tut ils onns da lur engaschament tiel DRG mintgamai sco redactur persul, susteni per temps da personas assistentas. Duront lur perioda sco redacturs dil DRG ei il biro dil DRG staus per temps a S-chanf respecativamein a Sogn Gagl. Il pensum principal dils dus emprems redacturs eis ei stau da rimnar en ton sco tut ils vitgs romontschs dil cantun Grischun il scazi da plaids dialectal, quei sco cumpletaziun ed amplificaziun dil material dialectal rimnaus da Robert de Planta e sur-schaus al DRG. Per quei intent han Florian Melcher e Chasper Pult concepiu in questiunari da rodund 16'500 damondas. Ils onns 1906 tochen 1920 ei quei questiunari vegnius emplenius or da correspondents silmeins per part en 100 vitgs romontschs. Il questiunari cuntegn glie-stas da plaids tudestgs, accumpaignai dad expressiuns romontschas pil tierm tudestg en damonda. Ils correspondents romontschs han min-tgamai scret sils singuls feglis il plaid ni la locuziun en diever en lur vitgs, respectivamein sustattihau las expressiuns gia screttas dils redacturs el questiunari ed enconuschentas ad els. Il material dialectal rimnaus aschia ei vegnius ordinaus dils emprems redacturs a moda alfabetica en ina cartoteca, numnada la cartoteca meistra.

Ils idioms romontschs han era ina vasta tradiziun litterara dapi la reformaziun e counterreformaziun. Per saver documentar era il lungatg litterar el DRG han gia ils emprems redacturs fatg bia excerpts da literatura ed integraru quels ella cartoteca meistra. Quella lavur dad ex-cerpar cudischs, periodicas e gasettas ed integrar ils excerpts ella cartoteca meistra ei vegnida fatga cuntuadamein-e vegn exequida aunc oz. Ella ei impurtonta per tener quen el DRG dallas midadas dils idioms romontschs sil camp semantic, morfologic e sintactic.

404.

C

1. Gitschen etc. (= betriebsische entfernen oder
Herstellen solcher Kennzeichen): gliomar; glimar ils daints
stgalper ils daints; daints laburats.
2. sich mausern, Manserung (der Pfade): mädar il pagl
midar; midar iql peal midar fil mi:
der il pagl; scha da la palegna
3. Pferdemist grascha tgavai etc.) grascha d'chavagl
biag chavagl
4. Rossbollen (mit entsprech. Zertwort) chavarlinas, s-chavarlinas
maruns cavagl; rucas (meccas) cavagl;
caviglinas, tgavagliennes; chavatlinas;
strups tgaval; gnoes da tgaval; mu-
gnas? s-chavarlinas
5. wiehern tgular; givlar; nitrot; sgaz; sprigner
gnir (3. sgugne), sgrignier; sgignear;
sprigner; sghignar; sgignier
6. die Ohren spitzen ge-gezwee lar war iissas las esaglias
gries, argüller (gürler) las vorraglias
7. Niesen der Pferde sturnida etc.; gnu = iturnidor
flor; sfurit.
8. Schnauben (s)gnuffar; sturnfar (3. sben.
fla), sbrunfar (3. sbrunfa); sbrofar; boffar,
dar boffs; auflar; sgroffar; sgroffar.
9. schaumen far spema, spimatch; spi-
mar; fer s-chima, stginatg, chimer
spumet.
10. schnappen s(g)mappar; tgappar; tschap. morder
par; tschrüffer; morder; pinterger; sbucar,
sbutger.

Ina pagina ord il questiunari Melcher/Pult

1.5 Ina Cumissiun filologica sco sustegn

Il pensum da rimnar ed ordinar il material linguistic dialectal e literar romontsch era secpescha ualti hanaus per in sulet redactur. Incaps e problems ha ei adina puspei dau. In grond sustegn pils emprems redacturs ei Robert de Planta staus. El ha susteniu Florian Melcher e Chasper Pult cun cussegl e cun exequir lavurs pil DRG aschi ditg sco sia sanadad ha lubiu quei. Sco gremi cussegliont e sco organ da controlla scientific ha la Societad Retorumantscha creau igl onn 1907 per il project DRG ina Cumissiun filologica. Quella secumponneva da Robert de Planta, Louis Gauchat, professer all'universitad da Turitg e cauredactur dil *Glossaire des patois de la Suisse romande*, e da Chasper Pult. Sco emprem president dalla Cumissiun filologica han ins elegiu Robert de Planta. Siu successur sco president ei Jakob Jud, professer all'universitad da Turitg, daventaus igl onn 1932. La Cumissiun filologica dat ei aunc oz. Ella seraduna per regla ina gada ad onn cun la redacziun dil DRG e secumpona actualmein dil president Georges Darms e dils ulteriurs commembers Alexi Decurtins, Hans-Peter Ehrliholzer, Matthias Grünert, Gunhild Hoyer e Hans Stricker.

1.6 Igl emprem fascichel cumpara

Suenter plirs artechels d'emprova, publicai ellas Annalas dalla Societad Retorumantscha, ed in fascichel d'emprova igl onn 1932 cun ils artechels *acla*, *adatg* ed *arar* cumpara igl onn 1939 igl emprem fascichel dil DRG. El cuntegn ils cavazzins A – ADEMPLAT. La fasa da rimnar ed ordinar il material, elaborar il concept dil DRG en detagl e redeger artechels d'emprova ha pia cuzzau 35 onns.

2. L'ovra seconsolidescha

Mo ussa crescha l'ovra pass per pass. Igl onn 1946 vegn igl emprem tom terminaus. El cuntegn tut ils cavazzins ch'entscheivan cun la letra A. Il tom 2 cun ils cavazzins dalla letra B cumpara igl onn 1957. La publicaziun dalla letra C vegn terminada igl onn 1968 e cumpeglia ils toms 3 e 4 dil DRG. Quei bien ritmus da publicaziun ei era d'attribuir

al fatg che silmeins dus/duas redacturs/redacturas han cun paucas excepiuns mintgamai luvrau vid l'ovra dil DRG a partir digl onn 1957. Ils toms 5–8 cun ils cavazzins D – INEXTIRPABEL cumparan ils onns 1972–1991.

Provas per ün dizionario restret.

Miclus ils; *miclus* III E. b. von Ard abwärts, V. M. Ci neb. and. Form, *miglus* Fe und II La, Bra, *minglus* Gua, Lav, *malus* dtsch. B und I und III, E. o. Chamu, Be, S. M, Si neb. and. Formen, *malus* II Ss^s, Sch An, PI E, Tri, *malons* Sch Lo Ma, *malöns* Munt, *mala'uns* V. d'A Bri, Le, *male'uns* Alvan, Duml Pa, Sch, Te, I Med, *male'ums* PI Rä.

1) Mehlspeise aus Kartoffeln u. Mehl, überall, auch deutsch B., 2) Siebrückstände II E, 3) kurzleibiger Mensch III, V. M. — *Magliar maleuns a latge magliau ëur cun tschadeun Med, Cad. Di*, — M. mit Milch essen, heißt Gold mit dem Löffel essen. *Igl plov', igl neva — igl vean unviern*; — *Maleuns cun gromma*, — *Coccas cun mela* (Apfelkuchen), — *Quei ei bien* (das ist gut) II Fe. — *Sch'igl e gnoin paintg ainten la padéala, sch' iis malauis braisan* II Le: wenn keine Butter in der Pfanne, schreien die M. — *maleums ch'in sa zufflar ord fanestra* (sehr magere M.) II Rä, *uarra chi mütschan or da fanestra*: Se — paß auf, sie fliegen zum Fenster hinaus (vor Magerkeit, spaßh.). Aus *micla, migla, miula* etc. + Vergrößerungssilbe —un, vgl. Huonder 105.

Petembrot il; *petembrot, -ot* I u. II, *bettembrot* Villa, *petimbröt* III E. o. Si, *pitimbröt* Cpf, Schl, *pötimbröt* Chamu, *pittimbröć* V. M., *putimbröć* E. b. Lav. Nur sporadisch von der jüngeren Generation noch verstanden, sehr selten gebraucht heute.

1) Geschenk, Geld, Gebäck, Mahlzeit dem Ueberbringer bei Ankündigung der Wahl zum Landammann, auch Pfarrer (selten) I und II. 2) Mahlzeit, wozu der Verlobte vor der Hochzeit einlud II La. 3) Neuigkeit, unerwartete, gew. gute, doch auch unangenehme III, z. T. auch II und I. 4) Frohe Botschaft, Evangelium, nur in der Lit. 5) Geschwätz I Di, III Ci. 6) Vorwurf II Fe. 7) Brei aus Erde und Sand für Kinder zum Spielen I Rusch. 8) Unbestimmt in Kinderreimen.

Ir cul p. I: mit der Nachricht kommen (und Geschenk erwarten), *ir pagl* (für das) p. die Belohnung holen. — *pitinbröć, ol. pettanbrot* vgl. Bottenbrot = fröhliche Botschaft, lat. evangelium. Man. Lans. 17 Jh. 119. Tadlai, pisturs, il pettenbrot, — Qual port'a nus il Seraphim. Amitg d. Rel. 38, No. 52 p. 409 vgl. auch Cons. de l'olma dev. 35 u. Dec II 212.

Aus deutsch *Botenbrot* (vielmehr schwed. Formen mit e) Schw. Id. 975 ff.

3. Il pass all'electronica

3.1 Dal pupi e rispli al computer

Il matg 1992 ha muntau ina gronda cesura ella laver da redacziun dil DRG. Fideivels amitgs da redacturas e redacturs dil DRG eran tochen lu pupi, rispli, colurs, gummi, forsch e pupi da cular. Cun rispli vegneva secret ils artechels e cun colurs suttastrihau parts da quels per indicar alla secretaria il tip da scartira ch'era d'applicar enten copiar ils manuscrets. Il gummi scheva svanir giu dil fegl sbagls e passadis buca giavischai pli ord in motiv ni l'auter. La forsch ed il pupi da cular gidavan a prender parts d'in artechel ord in liug da quel e plazzar ellas zanua auter el manuscret. Ils manuscrets secrets giu dalla secretaria cun maschina vegnevan lu stampai en stampa cun plum. La Stamparia Winterthur S. A. stampava ils davos onns avon che serrar la partiziu da plum il fenadur 1991 mo aunc il Dicziunari Rumantsch Grischun ed igl urari dalla Swissair cun quella metoda. Ils davos fascichels dil DRG stampai a Winterthur cun la metoda da plum ein vegni tschentai da luvrers gia pensiunai che vegnevan mo pli en stampa per exequir quella laver.

Ei ha pia giu num esser preparaus pil mument che la Stamparia Winterthur S. A. siari definitivamein sia partiziu da stampar cun plum. Il cauredactur da quei temps, Felix Giger, ha acquistau gronds merets en connex cun la midada dalla redacziun cun pupi e rispli alla redacziun al computer. Nundumbreivels problems ein stai da sligiar. Cunzun il plazzar ils numerus segns specials (segns fonetics etc.) sil computer e saver activar els cun sempels camonds ei stau ina dira nusch. Igl ei denton reussiu da sligiar tut ils problems en ina moda e maniera che fa fetg emperneivla la redacziun al computer.

3.2 Il computer – in bien gidonter

Dapi il matg 1992 vegn pia redigi al computer. Ils redacturs e la redactura concepeschan lur manuscrets en ina fuorma gia fetg avanzada viers il product stampau. Mintga manuscret cuntegn gia ils differents tips (stabil, cursiv, grass etc.) e las differentas grondezas da scartira (p. ex. scartira pintga per ils renviaments e las etimologias), plinavon las dretgas distanzas denter singuls passadis dad artechels,

vom jähn cum ingeni, mit wirt mit
mit Begehr (Wb. ms. Abh. Zürn. 1709, 24). —

Brau: Tgl. müssen sol. angien, die Welt
will betrogen werden (Ann. 5, 9, 50). — E Fetta
la bedroht, chattà d'ingien, Albold Gengz
erwarten, wird Bedingung gespannen (Ann. 13, 1051;
Lörr., Sprichw. 398). Ein sprichwörtl. Redensart E
cum indodien ist ingien as viva mit an uns. yd. →
indodien (i. b.)

deutl. von → ingienas 'fünchen'

zu gleichbed. INGANADE, wie d.

inganado (BATTAGLIA 3, 1014), esp.

ingien, eigan 'nise, komperie' (FEW.
4, 683)

Gr.


inganabel → inganabel

inganada, ffl. von → ingienas.

P ingader (im 'Behörde, Schwätzen, Melant; eng. 'betriebe
geschäft'); E alle. inganadero (E10 auch ingien-
der), E20 inganadora, E42, 43, 45, 52-54 auch
inganadie, E43 auch inganadie); C10-12
ingienar dötz (C12 auch inganador), C20 ay-
ganador, C22, 23 ayganadora, C24, 27, 41, 44, 47
ayganador, C50 ayganadora, C62, 67, 69, 74, 80, 91,
94, 96, 97 ayganador; S13, 15, 21, 23, 25, 27, 33,
40, 47, 56, 57, 61 ayganador (S40 auch ayganador). —
— Wb. 124-546 126 inganader (§), fallace;
VEITH, Gramm. Gram. RD. ayganader, Behörde,

Manuscret da Felix Giger

denter dus cavazzins ni plirs renviaments. La formataziun finala cun metter il manuscret en duas colonnas per pagina e sparter tenor basegns vegn fatga dalla secretaria. Ordeifer igl Institut dal DRG vegn mo pli illuminau ils singuls fascichels e stampau ils films dallas singulas paginas. Il matg 1993 ei igl emprem fascichel dil DRG redigius e formataus al computer vegnius stampaus tier la Stamparia Gasser S.A. a Cuera. Igl ei il fascichel 117 cun ils cavazzins INFADÀ - INFRA-GANT. Il tom 9, gl'emprem tom redigius a moda electronica, ei vegnius terminaus igl onn 1997 e cumpeglia ils cavazzins INFADÀ - IPSOMETRIC. Treis onns pli tard, igl onn 2000, cumpara il tom 10 cun ils cavazzins IR - LAZOIRA. Il tom 11 vegn redigius a fin igl onn 2004 e cuntegn ils cavazzins LE - MAHUNAR. Terminaus il tom 11 cumpeglia il DRG 153 fascichels cun in total da rodund 9000 paginas. Il computer ei in bien gidonter per la squadra dil DRG ed ha gidau a scursanir il temps da redacziun ed accelerar il ritmus da publicaziun.



Dapi il matg 1992 redegia la squadra dil DRG al computer

ingiannadur, der Betrug kehrt zum Betrüger zurück (Chal. ladin 1849, 11). – Aengad. *Ingion vain pajà cun ingion*, Tücke wird mit Tücke bezahlt (Wb. Ms. Gloss. Zern. 1708, 24). – Brav.: *Igl muénd vol angion*, die Welt will betrogen sein (Ann. 59, 50). – E *Fatta la ledscha, chattà l'ingian*, sobald Gesetz ersonnen, wird Betrug gesponnen (Ann. 13, 151; Lössi, Sprichw. 798). Zur sprichwörtl. Redensart E *Cun indscheign ed ingion as viva mez on usw.* vgl. – *indscheign* (8, 647).

4. Ableitungen. **ENGANUS** surselv., **ANGANUS** surmeir., adj. ‘betrügerisch; täuschend; trügerisch, zu falschen Schlüssen verleitend’. C 23 *angonáus*, C 41, 44, 47 *angonáus*, C 62 *angonás*, C 84 *angonás*; S 13, 16, 25, 27, 47 *angonás*. – Wb.: VIELI, Voc. *enganus*, trügerisch; Voc. sursilv. RD. *enganus*, betrügerisch, verfänglich; Voc. Surm. *anganous*, betrügerisch, täuschend; Voc. sutsilv. *anganus*, betrügerisch. – a) ‘betrügerisch, absichtlich täuschend’. Verbreitet C *anganous*, *anganus*, S *enganus*. – Lit. S: *Al medem castig ei suttaposts era quel, che fa daneers de pupiir de staats jasters cun la medem’ intenziun enganusa*, übers. nach: der nemlichen Strafe unterliegt auch derjenige, welcher in der gleichen (betrügerischen) Absicht Papiergegeld fremder Staaten nachmacht (Concept Cod. crim. 1838, 33). *Vegnen franzos ner svizzers en lur tiara declarai culpeivels dils sequents delicts, nomnadamein: ... rubaria sin stradas, banquerut enganus*, übers. nach: werden Franzosen oder Schweizer in ihrem Lande gerichtlich folgender Verbrechen schuldig erklärt, nämlich: Strassenraub, betrügerlicher Bankerott (Collect. off. Gr. I 1843, 212). *Matteuns uss cun tschupi / Ei grad aschi fallus, / Sco bien crom de survegni / De cremers enganus*, Mädchen mit Jungfernkränz sind jetzt genau so schwierig zu bekommen wie gute Ware von betrügerischen Händlern (DEC. 2, 413, Volksl.). – b) ‘täuschend, eine Verwechslung nahelegend’. – Lit. S: ... *a norma ... digl importo della muneida fatgia e dad'ora, e della pli ne meins enganusa fuorma de quella*, übers. nach: nach Massgabe des Betrags der nachgemachten und ausgegebenen Münzen und der mehr oder minder täuschenden Beschaffenheit derselben (Codex crim. 1850, § 171). – c) ‘trügerisch, zu falschen Schlüssen verleitend, verfänglich, irreführend’. – Lit. C: *Betg cumplett'ell'e* (scil. *la verdad*) *privlousa, / anganous er sies cuntign*, unvollständig ist sie (die Wahrheit) gefährlich, trügerisch auch ihr Inhalt (SPECNAS, Rosas 1, 43). – Lit. S: *Talmeing va ei con nus / Sin quest mund enganuss*, so ergeht es uns auf dieser trügerischen Welt (Consolazion, ed. crit. II, 38). *Nus udin ussa enganuras vuschs;*

ch'empermettan al cumin pievel glisch, libertat, wir hören jetzt verführerische Stimmen, die dem gemeinen Volk Licht, Freiheit versprechen (Amitg Rel. 1839, 1, 1.2). *Gleiti vegn ei a semussar che lur speronza ei baghegiada sin ina engonnusa paretta*, bald wird es sich zeigen, dass ihre Hoffnung auf einem trügerischen Schein gründet (Grischun Rom. 1839, 30, 117.1). *Bia ghlitschès han triblas sfendaglias, ed ein prigulus de passar, cura ch'in' enganusa crusta de neiv cuviera vi quellas totalmein*, viele Gletscher haben schreckliche Spalten und sind gefährlich zu begehen, wenn trügerischer Schneeharsch sie gänzlich bedeckt (Schulb. S sup. 1857, 2, 3). *Fortun', amur, ventira, / Ah tut - con enganus!*, Reichtum, Liebe, Glück, ach alles – wie trügerisch! (Tschespet 14, 148, A. TUOR). – **ENGANUSAMEIN** adv., surselv. ‘auf betrügerische Art’. [*angonázamein*]. – Lit. S: *Duess aber la persunna maridada haveer teniu enganusamegn discus ... l'existenza della schon pli bauld consistenta leitg*, übers. nach: sollte aber die verehlichte Person das Daseyn einer bereits bestehenden Ehe betrügerischer Weise verheimlicht haben (Concept Cod. crim. 1838, 36f.). *Tgi che se declara enganusamegn per insolvents ... conmetta il delict dil anganus bancrot*, übers. nach: wer sich betrügerlicher Weise als zahlungsunfähig erklärt, begeht das Verbrechen eines betrügerischen Banquerotts (ibid. 64).

Deverb. von → *ingianar* ‘täuschen’ zu gleichbed. ***INGANARE**, wie it. *inganno* (BATTAGLIA 7, 1014), afr. *enjan, engan* ‘ruse, tromperie’ (FEW. 4, 683). Das engad. Sprichwort *Fatta la ledscha, chattà l'ingian* ist aus it. *Fatta la legge, trovato l'inganno* (BATTAGLIA 8, 901) entlehnt. – Abl. mit -osu wie it. *ingannoso* (BATTAGLIA 7, 1015), -OSU+MENTE.

Gi.

ingianabel – ingianaivel.

INGIANADER engad., **ENGANADER** surselv., m. ‘Betrüger, Schwindler, Preller, Mogler (im Spiel)’; adj., ‘betrügerisch’. E allg. *ingonadúr* (E 10 auch *injonadúr*, E 20 *inganádär*, E 23 auch *ingonadúr*, E 42, 43, 45, 52–55 auch *inganédär*, E 43 auch *ingonadúk*); C 10–12 *angonadók* (C 11 auch *angonédär*), C 20 *angonádär*, C 22, 23 *angonádär*, C 24, 27, 41, 44, 47 *angonádär*, C 50 *angonédär*, C 62, 68, 69, 74, 80, 81, 84, 90, 92 *angonádär*, S 13, 15, 21, 23, 25, 27, 33, 40, 47, 56, 57, 61 *angonádär* (S 40 auch *angonadúr*). – Wb.: DA SALE 126 *enganader* (S), fallace; VEITH, Gramm. Gloss. RD. *enganader*, Betrüger; CARISCH 6 *anganadur, anganader, ingianadur*, Betrüger; Ms. LOMBARDIN *ingianader, ingianadur*, Betrüger; PALL. *ingianneder, ingianadur*, Betrüger, *ingiannedra*, Beträgerin; VELLEMAN, Dicz. *ingianneder*, betrügerisch, verfänglich, Betrüger; VIELI, Voc. *enganader*, Betrüger; Dicz.

*4. Giesta dallas redacturas e dils redacturs
resp. dils cauredacturs dil DRG*

4.1 Redacturas e redacturs

Florian Melcher (1904–1913)
Chasper Pult (1914–1939)
Andrea Schorta (1936–1975)
Mena Grisch (1942–1943)
Alfons Maissen (1944–1946)
Alexi Decurtins (1956–1988)
Jachen Curdin Arquint
(1966–1967 e 1969–1972)
Ricarda Liver (1972–1975)
Hans Stricker (1974–1984)
Felix Giger (naven da 1980)
Carli Tomaschett (naven da 1990)
Kuno Widmer (naven da 1991)
Marga Annatina Secchi (naven da 1994)
Claudio Vincenz (1999–2004)


Singuls artechels ein era vegni screts da Ramun Vieli e Richard Weiss, varga tschien artechels da Heinrich Schmid.

4.2 Cauredacturs


Andrea Schorta (1956–31.3.1975)
Alexi Decurtins (1.4.1975–31.12.1988)
Felix Giger (1.1.1989–31.12.2003)
Carli Tomaschett (naven digl 1.1.2004)

5. Dessimadadas e dessimadadas dil DRG

Artechels dil DRG ein era stedi illustrai cun bials dessegnos. Ils dessegnos sin las empremas 300 paginas digl emprem tom dil DRG ein vegni fatgs dallas persunas Garreau, Christian Rödel ed Alfons Maissen. Il dessimadada dil DRG naven dalla secunda mesada dil tom 1 tochen la fin dil tom 7 ei Toni Nigg staus. Toni Nigg era scolast da dessein alla Scola cantunala a Cuera. Ils toms 8 e 9 dil DRG cuntegnan buca dessegnos. Evelyn Lengler ha fatg ils dessegnos el tom 10 ed ella emprema mesada dil tom 11 dil DRG. Naven dalla secunda mesada dil tom 11 illustreschan dessegnos da Mina Clavuot ils artechels dil DRG.



Dessein da Toni Nigg
(char II, DRG 3, 346)




Dessein da Mina Clavuot
(litsch I, DRG 11, 330)

6. *Ils fargliuns dil DRG*

Il DRG ei in dils quater vocabularis naziunals svizzers. Ses fargliuns ein il *Schweizerisches Idiotikon* per la Svizra tudestga, il *Glossaire des patois de la Suisse romande* per la Svizra franzosa ed il *Vocabolario dei dialetti della Svizzera italiana* per il cantun Tessin e las valladas grischunas da lungatg talian. Il *Schweizerisches Idiotikon* cumpara dapi igl onn 1881 e duess ir a fin ils proxims 20 onns. L'ovra dialectala per la Svizra franzosa, il *Glossaire*, vegn publicada dapi igl onn 1924 ed ei s'avanzada tochen alla gruppa da bustabs GER-. Il *Vocabolario* vegn edius dapi igl onn 1952. La publicaziun ei arrivada alla gruppa da bustabs CAV-.

7. *Tgi finanziescha il DRG?*

Dall'entschatta enneu han la confederaziun ed il cantun Grischun susteniu il project dil DRG cun contribuziuns annualas. Ils onns 1975–1995 ei il DRG vegnius sustenius dalla confederaziun anora cun daners dil Fond naziunal svizzer per la retscherca scientifica (FN). Quei ei semidau igl 1 da schaner 1996, cu l'Academia svizra per las scienzias moralas e socialas (ASSMS) ha surpriu dil Fond naziunal l'incumbensa da sustener finanzialmein ils quater vocabularis naziunals svizzers. La gronda purziun dil sostegn finanzial ei adina vegnida da Berna. Actualmein vegn il menaschi dil DRG finanziaus per ca. 87% cun la contribuziun finanziala dalla confederaziun, ca. 8,5% dils cuosts cuviera la contribuziun cantunala ed ils ca. 4,5% restonts vegnan recaltgai cun la vendita dil DRG.



Dessegs da Toni Nigg (*fuorn*, DRG 6, 753)

II. Igl Institut dal DRG – in impurtont center da documentaziun, informaziun e retscherca davart lungatg e cultura romontscha ed alpina

1. In center da documentaziun

Egl Institut dal DRG secatta ina fetg reha documentaziun davart ils idioms e dialects romontschs dil cantun Grischun. Quella cumpeglia ina cartoteca meistra da bunamein 900 scatlas cun nundumbreivlas notaziuns dil lungatg plidau ed excerpts ord la litteratura. Plinavon secattan egl Institut dal DRG ina cartoteca da sinonims, ina cartoteca d'etimons, dils plaids da basa ch'ein sesviluppai als singuls plaids romontschs, ed ina cartoteca da materias. Buca emblidar astgan ins seapestcha la biblioteca digl institut che cumpeglia ton sco tut ils cudischs romontschs, las differentas gassetas romontschas e bia ovras davart il lungatg romontsch e la cultura romontscha ed alpina.

Sper il material documentar davart ils idioms e dialects romontschs posseda igl Institut dal DRG era ulteriuras collecziuns da gronda valur. Tut il material original dil Cudisch da numbs retic davart ils numbs locals e las schlatteinas digl entir cantun Grischun secatta egl institut. Plinavon cattan ins leu era il material original dils dus toms da Christoph Simonett «Die Bauernhäuser des Kantons Graubünden», pia il material original dalla collecziun davart ils differents tips da baghetgs el cantun Grischun. Igl Institut dal DRG ha era treis vastas collecziuns da fotografias, las collecziuns da Derichsweiler e Meisser e la fototeca DRG.

2. In center d'informaziun

Igl Institut dal DRG rispunda en in onn bia damondas davart igl origin, la parentella e la derasaziun da plaids romontschs, plinavon era davart igl origin da numbs locals e schlatteinas. El dat era bia informaziuns davart caussas ed isonzas dalla cultura romontscha ed alpina. Mintg'onn vegn informau a bucca ni a secret rodund 200 persunas ed impundiu persuenter 200–400 uras da laver. Las damondas vegnan dad universitads (professors, students), da centers da retscherca (vocabularis dialectals, historichers), da scolas (scolasts, scholars), da schurnalists (Agentura da novitads romontscha, radio, televisiun, gassetas) e da persunas privatas.

mira

Ils catholiques en ussa distada
si e plens quitan, tgei Prussia
hagi per mira.

AMITG DE REL⁵⁸ N^{69.43}

Excerpt screts a maun

367

MERA 1

S

mira 2

('Ziel')

Prender en *mira* ston ins il bia, il pauc anfl'ins aunc
adina.

HALTER, Valata 141


1994 R 383.3

aa 7.5.96

Excerpt fatgs al computer



Dia ord la collecziun da Derichsweiler

Gruppe: <u>Histen/Histe(frei)</u>	Nr:	Obj.: beladene Kornhiste
Aufnahmearort: Sedrun	Zeit: 10.10.1935	Photogr.: Scheuermeier Zeichn.:
		Film: Masse:
		Rom. Termini:
6260: <u>Sedrun</u> , 10.X.35. 12. 1/25. Histe am untern Dorfeingang mit Kapelle, sonc�t.		
Photothek DRG		


Exempel ord la fototeca dil DRG

3. In center da retscherca

Egl Institut dal DRG fa la squadra da redacziun di per di laver da retscherca per scriver ils singuls artechels dil Dicziunari Rumantsch Grischun. Plinavon vegnan bia persunas che fan laver da retscherca egl institut per consultar il material da quel. Savens cusseglio la squadra dil DRG era persunas che realiseschan projects da retscherca.

4. Publicaziuns ligiadadas fermamein cugl Institut dal DRG

L'ovra principala, edida dalla Societad Retorumantscha, la societad purtadra digl Institut dal DRG, ei il Dicziunari Rumantsch Grischun. La Societad Retorumantscha edescha denton aunc duas outras retschas. Gia 1886, in onn suenter sia fundaziun definitiva, ha la Societad Retorumantscha ediu l'emprema annada da sia periodica scientifica *Annalas*. Las Annalas han dall'entschatta enneu cunteniu contribuziuns ord tuttas regiuns romontschas dil cantun Grischun, han pia adina giu in caracter surregiunal ed interromontsch. Tochen ussa ein 117 annadas dalla Annalas cumparidas.



Differentas annadas dallas Annalas

Dapi igl onn 1977 edescha la Societad Retorumantscha era la retscha scientifica *Romanica Raetica*. En quella retscha vegr publicau lavurs da retscherca da gronda dimensiun (dissertaziuns, projects da retscherca). Plinavon cattan ins ella retscha era plirs toms cun collezioni da lavurs scientificas gia stadas publicadas, denton sparpigliadas en differentas periodicas. Tochen ussa cumpeglia la retscha Romanica Raetica 14 toms.

Sper sias retschas ha la Societad Retorumantscha adina puspei ediu ulteriuras ovras da gronda impurtonza per la lavur da retscherca, p. ex. il Register dalla Crestomazia da Caspar Decurtins.

III. Perspectivas


1. *Cu ei il DRG a fin?*

Il Dicziunari Rumantsch Grischun cumpeglia, tschien onns suenter ch'il project ei vegnius mess sin via, 11 toms cun ils cavazzins A – MAHUNAR. Cun il diember da persunal actual (9 personas cun total 7,3 plazzas) duess ei esser pusseivel d'arrivar alla letra Z e terminar l'ovra enteifer ils proxims 60–80 onns. Da deplorar ord vesta hodierna ei il fatg ch'il project DRG ha giu a disposiziun decennis alla liunga mo in redactur, per part schizun mo cun in pensum da 50%, e tochen viaden els onns sissonta maximum dus/duas redacturs/redacturas.

2. *Co duei igl Institut dal DRG vegr slargiaus?*

Da grond avantatg per la lavur da redacziun e d'informaziun fuss ei pigl Institut dal DRG da ver a disposiziun in/ina etnolog/etnologa. Ina persuna specialisada sil camp dallas tradiziuns popularas savess cussegliar stedi redacturas e redacturs dil DRG e completar ils artechels da quels a moda e maniera fetg enrihonta. Plinavon savess in/ina folclorist/folclorista descargar la squadra da redacziun cun dar numerosas informaziuns a personas che sedrezzan agl institut cun damondas. In/ina etnolog/etnologa savess era studiar da rudien bia material folcloristic ch'ei avon maun egl Institut dal DRG e far cun quei material interessantas publicaziuns (p. ex. cun las numerosas fotografias da temps vargai).

Deplorablamein ha la plazza dad etnolog/etnologa buca saviu vegnir realisada igl onn da giubileum dil DRG sco previu. L'Academia svizra per las scienzias moralas e socialas ha buca saviu conceder ella muort las mesiras da spargn dalla confederaziun. L'opziun resta denton.



Ils toms 1–9 dil DRG

3. Ton sco pusseivel vid la redacziun

In/ina etnolog/etnologa egl Institut dal DRG per dar sclariment anoviars e far laver publica fuss era da beneventar fetg per che las redacturas ed ils redacturs sappien seconcentrar ton sco mo pusseivel sin lur incumbensa principala, la redacziun e publicaziun dil Dicziunari Rumantsch Grischun. Ch'els sappien far quei ei necessari ord plirs motivs.

- Pliras tschien scatlas spetgan aunc da vegin redigidas. Ei ha pia num da tener stendiu.
- Il mument vegin ei spargnau dapertut ed ei vegin ad esser fetg grev da saver engaschar dapli persunal ils proxims onns.
- Adina dameins glieud sa dar sclariment davart il lungatg romontsch d'avon entgins decennis e davart las isonzas da pli baul.
- Ei vegin buca a vegin pli sempel il futur da recrutar forzas adattadas per redeger artechels dil DRG. La scolaziun da basa per quella lavur, la filologia romana, vegin tralaschada dallas universitads pli e pli fetg. Il latin svanescha adina dapli ord las scolas medias. Mo co vul ins descriver in lungatg che vegin per gronda part dil latin senza bunas enconuschiantschas dil lungatg dils Romans? E la promtadad da bia glieud giuvna da sededicar ad ina lavur che pretenda in liung temps d'introducziun vegin probablamein era buca pli gronda.



La cartoteca meistra digl Institut dal DRG

4. Cuosts carschents d'infrastructura

Ils davos quendisch onns eis ei reussiu cuntuadamein d'augmentar il persunal engaschaus egl Institut dal DRG allas 7,3 plazzas actualas. Quei grazia alla beinvulentscha dil Fond naziunal svizzer per la retscherca scientifica (FN) e dalla Academia svizra per las scienzas moralas e socialas (ASSMS) ch'ein mintgamai stai promts da surprender igl augment dils cuosts per pagas. Dapli persunal cundiziunescha denton era dapli spazi da lavur, dapli mobilias, dapli apparats per l'elavurazion electronica da datas (EED) e dapli support tecnic. Aschia ein ils cuosts per l'infrastructura digl Institut dal DRG carschi considerablae mein ils davos onns. Quels cuosts ein mo lu supportabels pigl institut egl avegnir e periclitescan mo lu buca a liunga vesta l'existenza da quel, sch'il maun public ei promts da gidar a purtar els a moda considerabla.

5. In tschancun dalla via

Il project Dicziunari Rumantsch Grischun ei vegnius entschats avon 100 onns cun bia idealissem e gronda promtadad da surmuntar difficultads. La squadra actuala dil DRG sestenta cun tutta forza e buna-veglia da vegnir in bien pass vinavon viers la mira finala, in dicziunari, ina enciclopedia completa dils idioms e dialects romontschs plidai el cantun Grischun.



La squadra dil DRG igl onn da giubileum 2004